

亦有生齋集

亦有生齋集詩卷第十二

武進 趙懷玉 億孫

古今體詩

重光大淵獻

下

石湖草堂

盤圃薌林幾變遷
草堂猶占石湖邊
對門山色烟中寺
繞屋波光鏡裏天
益國交深曾下榻
阜陵恩重竟歸田
宦情我亦消磨盡
說虎盟鷗任結緣

寒食同金大

德輿

訪沈同年

叔壘

蔣明經

元龍

同泛南湖

歸飲帶湖草堂作

霽旭輝蓬窗
晨次秀州郭
三徑尋蔣詡
八詠邀沈約
相將祓

水濱晚晚惜芳春南湖萬株柳青眼儘看人才經一百五好
摘新茶煮屋尙有藏烟樓何須對雨聽倦賣餠聲歸來酒夏
傾佳辰宜痛飲明日是清明荒雞夜深唱促別還添悵挂席
趁東風一篙遡初漲

五日病中作

藥爐經卷久爲緣蒲酒重開病裡筵前年五日亦在病中續命真煩繪
五色求醫竟少艾三年故人風雨勞攜屐遊客笙歌任放船
且喜得閒成小隱髣髴絲拌老杜樊川

積雨不止復用前韻

屋漏床床蝸迹緣苔痕草色綠侵筵江湖偏苦頻逢潦耕鑿
誰能早計年何日眼中撐廚廩有人天上坐危船病夫已泯

榮枯見繫緝無心更濟川

三疊前韻柬蔣太守

熊昌

聊向詩筒續舊緣幾曾酒盞共芳筵兼句閉戶唯聽雨五月

披裘不記年學佛要先觀露電

時誦金剛經

求心常似覓車船自

今塲拈推君健一老新來感逝川

謂莊叟英丈

題畢山人涵秋林宴坐卷

世人愛春葩桃李蔕盈日豈如林亭秋萬象一以肅世人鷄
鳴起終日苦馳逐豈如宴坐佳萬緣一以伏山人曾作汗漫
游四方倒屣傾公侯偶然意倦返鄉國卜築小闢城南陬蕭
寥十笏紅塵外檢點行裝半書畫少文卧處有雲山靖節閒
來悅情話左栽修竹右種梧東西牀列諸生徒深閨有女擅

家法下筆直欲驕清如

清如惲正叔從孫女善画

如君真繼高人躅肯買

臙脂媚流俗寸縑換得杖頭錢賞雨時還醉苑屋君不見何

處無秋林何人能宴坐馬蹄踏遍長安花未抵幽栖日經過

夏至日喜晴和蔣太守

聽慣紗窗雨欣看曙色晴正如人去病莫道日無情波濤浮

雲影

夏至雲如水波

林遷時鳥聲

伯勞以夏至鳴

不知三徑竹鮮碧幾叢生

霽後復雨用前韻

又是連番雨曾無三日晴民方耽獎俗

里中盛行競渡東倉橋斷觀者多溺當事

禁之不悛明春又將大舉燈市

天特做愚情竈滅新炊火檐增急溜聲養生

吾已拙況復苦謀生

和蔣太守對月見懷之作

陰雲捲盡九霄間清影初來照瘦顏久絕把杯慵對月未能
却病在居山食思舍衛城中好眠愛華胥國裏閒倘得先生
乘興過柴扉應遣夜休關

袁大令

枚

自言曾遇相士年七十六當死以生挽詩索和

走筆奉答

先生古達人知進亦知止登朝才弱冠解組未彊仕林間卅
載文福并海內交耳袁宏名平生出處已超絕只有長往須
分明爲言曾遇相人術指點窮通百無失今年運合在龍蛇
常恐歸塗近兜率超然豫製自挽詩長言不足短繼之柴桑
三首太寂莫酌和徧索親朋辭安仁作詠空沈痛欲語無音
言難諷何如卷軸定甲乙大勝紛紛遺賻賄書來正值我抱

疴蕩心慌欲隨流波

時患怔忡

床頭展讀差快意因病不報殊蹉

跂未秋先零得天薄蒲柳政埒虬枝柯彭殤墮地皆偶耳我

却比公不可死著書既少一尺高上有衰親下無子君家風

鑑自昔傳蜀人

天綱

邨人

玳

相後先生疑信殆參半筆墨

且供遊戲緣堯長舜短叔敖突天壽宜從五官出荀卿非相

乃先儒釋迦無我方成佛聞公近益身康彊隨園草木回春

光神仙偷過此重叔和璞欲算應茫茫他時祝嘏破陳例會

當盡索挽句歌侑三千觴

錢三大令

維喬

園亭落成病未能賀詩以先之

得閒何必待懸車果遂平生早結廬

君未仕前與余集共雅存齋中言志即欲築一

園

小摩詰園原有邱壑淵明室但列棊書君謀築室經年就我

病櫻心百事虛疎節漫嫌遲賀厦攜尊擬趁燕歸初

六月二十三日飯僧天寧寺示方丈了月

暑退初來祇樹園伊蒲聊復集沙門傷心只有偏親在縱了

因緣未報恩

余甫十齡家君與先宜人卽有此願

七夕三首

金風玉露做新涼小院牽牛花正芳安設茶瓜理鍼線添他

兒女一番忙

兩兩明星照酒卮閨中乞巧共陳詞老夫別有無窮願要占

人間徹底癡

蜘蛛結網鵲成橋河漢無聲夜寂寥不是病餘貪久坐秋來

第一可憐宵

莊璿

樾

招同人近園看桂卽事

小山金粟護殘香有客招邀坐夕陽故宅猶能守喬木今年
差不負秋光竹林世作聯吟侶

時璿族父際盛姪印山皆在坐

桂樹誰歌招

隱章且喜病餘疎俗韻爲它觴詠十分忙

九日紅梅閣登高並游城東諸寺觀作

短髮西風首重搔登臨敢惜病軀勞紅梅樹老留虛閣黃菊
花遲負濁醪優學神仙愁盡餅且乘節物笑題糕勾人最是
城東地歸看藤蘿月又高

王光祿

鳴盛

今年政七十書來云失明三載遇閔生鍼治

得痊賦此志喜兼以爲壽

我生幸值文運昌當代傳人能屈指相思尤在通德門欲往

從之輒中止今春買棹浮胥江歛戶居然煩倒屣時公正同
盲左病顧我頗深足音喜乍譚便快臭味合遽別那堪景光
駛好奇忽逐秋風來玉屑清詞隸累紙謂言兩眼得神鍼所
苦一朝法塵落讀之我亦積疴失鞭弭相從願今始公之學
品故自超早歷華資壯歸里研經已入高密室推史欲薄居
巢壘臨川文筆山谷詩餘術更思同蛾子紛綸四庫萃一身
心鏡照疲良有以今年初度政七十卦筮重離眇能視千秋
述作早不刊萬丈光芒自應起奇勲偶爾策金龜醫則何功
實天使未須開目羨元真行有方瞳逐仙李屏間咲謝羅色
皁崖下仍驚電光紫公之林居垂卅年若到期頤歲相似天
留一半待看花莫再續編經與史

金氏素行堂對月次薛處士廷文韻

難得清輝共逢君每歲闌

丁未冬晤君梅里

交從三地合月勝九秋

看檢藥憐同病添衣畏薄寒相期保金石人事任悲懽

附原作

三十六回缺相思意未闌何期今夜月得其故人看劇
興都忘倦深宵未覺寒盍簪良不易好爲盡餘歡

秋記室

面招飲寓齋次戊申清明賦贈韻

落葉聲中起暮烟開尊宜對乍寒天梧桐鄉喜重連襟楊柳
堤曾共泊船讀律強如書汨沒入官會見政流傳時君需試次通守

銓風裏雲溪月好訂論文續舊緣

題桐溪釣魚師墨畫菊蟹

郭索初肥菊放纔寫生想見老懷開只嫌人病同花瘦閒却
持螯手幾回

元默困敦

穀日雪

八日年光好春還在臍中天教雲作瑞人爲穀占豐早喜蝗
埋地時疑鶴舞空呼童莫輕掃看到試燈風

正月十九日偕陳大令

賓 蔣通守 騏昌

訪蔣刺史龍昌於

青霄里村居卽事得二十二韻

自與幽居別流光等逝川廿年真倏爾十景可依然頃過傳
柑節宜尋載酒緣舫纔停柳外人已候門前橋滙雙溪水廬
分五畝田地連蕭寺古游愛竹林賢謂君兄子純裕屋結中流筏心

皈淨土蓮丹青唯畫鬼文字不雕禪徑熟羊求侶山賒巢許
錢咄嗟雞黍具酌酢主賓聯醞是藏之久魚宜烹以鮮率真
聊作會潛泊各隨天林壑身逾貴家庭政所先栽培佳子弟
嘯傲舊雲烟高枕長松下收竿滄海邊縱觀除目遍詎損道
心堅自惜塵緣擾徒驚韶歲遷行藏成兩拙貧病況交纏黃
憲忻消吝楊雄且尙元德隣思未見謂張勝友約難全是日
弟熊昌以孝廉進和未至坐久彌生戀譚深悵欲旋殷勤送前渡夕照又
低懸

艤舟亭探梅

乘興探梅水一涯蘇亭機棹日初斜紅粧綺袂都無色齊讓
昇仙綠萼華

鄧尉山探梅三首

東風連日吹常恐梅花殘早起入山中花猶待客看寒香亘
天際霽雪浮林端間以長虬松雜以修竹竿如瞻七寶裝白
玉青琅玕環境綠深更佳色喜秀可餐我來已三度茲游足清
歡安得華光筆盡攝歸霜紈

環山多野梅其骨皆傲岸豈知菖蒲潭山容爲之換熱宜晴
雲烘豔奪晚霞爛紅粉立雁行青蛾進魚貫被疑越鄂堆水
出懷羸盟嫣然一笑迎令人目光亂買得兩株還便抵雙鬢
伴翻嫌林處士無福逢此粲

峩峩石樓居近接長岐嶺過此卽元墓實開招提境高閣眺
湖光齋鐘發人省山僧邀茗話精遣春晝永當其未來時說

者或相梗始信遊覽豪亦仗願力猛豈無下階桃亦有出牆
杏但修到梅花吾亦無它請歸夢不離山時時入疎影

次蔣明經

元龍

見寄韻

新詩一卷乍開封恍似由拳城下逢蹤迹南湖同泛鷁心情
東野獨爲龍春光漸覺三分減文債空憐一倍慵

委製詩
序未就

恨江頭挂帆速催成報札墨難濃

春水居詩爲戴生

經作

秀州城東古角里橋下綠波春瀟瀟戴生家此逾十年來自
天都凡幾徙經營隙地開精廡庭蔕花竹室度書環牖四望
盡溪港遂以春水顏其居多情燕雀時相賀況有高軒數經
過客來倚檻似乘船俯仰直疑天上坐人言戴生家苦貧我

羨生樂先天倫人言戴生才不易我謂生境尤難臻堂前老
親雙白髮弟喜對床兒繞膝閉門便可想濠濮負米何妨隔
吳越生今養志兼誦芬豈患事業無青雲應官憐我太無謂
時將北行事父未能思致君東風江上抽帆駛去住兩難非得已
出山終遜在山高請以質之吳季子調秀才文傳

昨歲爲衰丈

收

作生挽詩今春三月喜晤於吳門復出告

存詩見示漫成五首

日薄崦嵫景欲昏魯陽戈忽返朝暉總因夙負詩篇債生挽
吟成又告存

交盡賢豪讀遍書幾人抱願不曾虛先生事事從頭起只算
今年墮地初

求生祈死苦茫茫枉製青詞拜綠章何似委心憑造化時行時止兩相忘

悠悠歲月占清閒天爲袁宏特破慳縱入輪迴仍福地小倉山接照蒼山

不住名園卽勝游烟花三月足勾留漫言自古誰無死此樂還應傲爽鳩

得月樓卽事

春來何處好尋芳泛遍輕舟七里塘一樣風前逞顏色桃花不及李花香

綠楊樓閣雨瀟瀟檀板清尊破寂寥已是別離情緒惡春魂今又爲君銷

江上青峰傳好句

錢景開

座中白髮領羣才

袁簡齋丈

文章品格烟

花價齊讓先生論定來

澹月穿雲夜漏沉
玉人扶倦酒重斟
不辭斟到金尊凸
要博郎情似此深

潤城唱罷別匆匆
有夢還隨逝水東
非是封姨無力量
絮泥吹不上簾櫳

初夏訪金秀才

拱間

於陳渡草堂

廿年未到草堂前
風雨重停西蠡船
漸欲化萍飛絮弱
慣能攀樹晚花妍
芳鄰喜結羊求侶

調唐秀才秉植李秀才慶來

絕業空傳左

右編正是閒尊忘
主客渡頭燈又一
星懸

次韻寄段孝廉

達和

亦有生... 卷十二

櫻桃熟後雨如絲
書到知君眠食宜
烟月每憐初別夜
壺觴應動故鄉思
添來陟屺詩千首
閑却環廬竹數枝
一握春風

深意在教人珍重聚頭時

君書便面見寄

金秀才約同人陳渡草堂觀荷阻雨不果疊前韻却寄

白雲渡口曉風前
孤負臨流雨喚船
樂事直疑雷雨妬
好花

虛想菱荷妍鑄金
人喜橫經侍引玉
詩慙壓卷編

夏初游草堂予詩首

偶玳瑁廣微和泥飲且從三徑醉

是日集息養齋

心旌終為草堂懸

前輩盧學士文昭以雍正壬子始游膠庠今六十年矣以

自紀詩見示時余亦將北上率成四首二十字既志盛

事兼申別懷

涉交之設羅琦現取士幾逢真秀才大儒生自得天厚後彫

松柏殊凡村先生家世邇涿郡門第競爽安平崔行年十六

列庠序志學之性原胚胎當時已作後生準老成風度文章

魁偶依樂廣

調桑張甫先生

入京洛燒尾之宴長安開從茲對策擢

高第臚雲五色輝三台北扉地位素清切賡歌長誦明良哉

四變八米譽日起欲踞燕許凌鄒枚遂持使節過嶽麓澤與

湘漢同濛洞槐廳方儲宰相望忽返初服西湖隈休神家衡

桂國更采蘭時復身循陔經師人師世爭仰桃李補向衡門

栽三晉雲山歸藻鑑六朝烟景供徘徊頃來龍城主講席狂

簡悉以中行裁研搜遺經逮諸子細辨毫髮包埏垓千秋之

疑一日破如月出霧鏡去埃古人有知合相應會見啣結深

泉臺端明春夢信嫖忽靈光魯殿留崔嵬成名發輟歲元熙

轉瞬甲子從頭來重游穎宮眺堂廡似向銅狄摩挲回青英
之王尚恭至道魏石十六歲俱七作朋三壽應無猜鴻篇三百六

十字腕底猶可驅風雷余叨後進許親炙問奇載酒時追陪
韓陵石竟獲逢信燕國士媿先從隗維桑文獻久放失史筆
幸遇三長賅那堪衆志各泄沓坐令軼事終蕪萊聞公明歲
不復出北行我亦驪駒催重逢願以五年約歸當先訪孤山
梅看公可赴鹿鳴宴勸公首進流霞杯

中秋日晚發渡江

揚舲激汰五更頭雨點金焦隱隱浮剛喜天風收半夜難逢
江月皎中秋新涼易覺消殘醉佳節初教動客愁星斗漸稀
城郭近瓜州西上是揚州

平山堂卽事

畫船日日聽笙歌
況值中秋節乍過
我道平山明月好比他
二十四橋多

皓齒青蛾任品題
狂來官惜醉如泥
自從開過瓊花後
管領羣芳讓竹西

親朋情話足勾留
聊借鄉音遣客愁
料得明朝挂帆去
夢魂還逐水東流

寶應訪王太守

嵩高

話舊有感時王方奉母諱

一卧滄江幾暑寒
故人消息近還官
方慚老我非青鬢
何意逢君是素冠
畿浞聲華爲政久
詩書歲月在公寬

君任河西時著述甚

富卅年契闊終宵話
珍重浮生會合難

嘉熙管漕帥幹珍賦贈

官閣梅花記敝筵秋風又過節樓前漫言福曜今同仰卽論
名山後必傳任重獨邀

明主眷集成猶待故交編以所著詩屬余訂定邦家光亦粉榆幸舉墜

先期障百川訓詳郡志事

別來蹤跡判升沉相見交憐病易侵君亦招病舟楫用勞公雪髻

江湖卧久我灰心學仙誰舐淮南藥乞句還題漢上襟時以里中

送行詩蒲柳敢將松柏比舊盟願共歲寒尋

黃河野泊口占

水淺風狂行路難扁舟三日泊河干北征不便南歸便天意
分明勸少安

一月

一月辭家久征塗百感侵寒先欺瘦骨病卽倦游心藥竈隨
舟載莢觴讓客斟空餘故園菊刑中有菊自
邢上携來短髮不勝簪

九日邳州道中

買酒題糕節暗更西風一棹近彭城百年忍負重陽節匝月
纔爲千里行病菊霜前皆瘦影賓鴻天外有離聲故園親懿
登高處應爲征人緩計程

南陽

夕暉未下濛汜皓月將升蔚藍衰柳兩行風舞遠山一片烟
含築場農有露積結網漁集澄潭不意已過河北此間還似
江南

泮筆泉用木蘭山人韻

泮筆何年鑿此池歸然今日尙留祠清泉明月空千古白雁
黃花又一時隙地儘堪添種樹遊人未許漫題詩自慚才異
山東李也辱居停賀監知

謂黃司馬易

黃司馬

易招游濟寧學宮觀漢碑歸飲署齋作

兗州司馬江夏黃任城作宦今知章泉源重濬唐泮筆祠象
盡搜漢武梁義興學宮松柏古中有叢碑不勝數黃君到此
幾摩抄意外屢教奇跡補我來風景當深秋城東竟日成清
游檻星門下一坐卧掛簾直欲攀爰劉徘徊不覺夕陽下官
舍閒尊卜良夜更繙祕笈山古香花氣月光相激射人生快
意唯朋輟素心況兼人二三

謂洪洞李克正梅村
濟寧李東琪鎮橋

年來萬事

總天靳只有眼福還容貪出門衣塵已三斗洗濯拌傾一杯
酒待看集古錄重編

君擬葺山左金石志

黃九前身卽歐九

光嶽樓

層樓頻拾級暮色正蒼然岱色青橫檻鄉雲白在天樹遮千
里目城起萬家烟猶有荒臺峙何人問魯連

莊四

寶書

楊三

印會

金三

以城

舟中小飲卽事

爲貪情話密遂作小淹留魯酒傾連夕吳音聚一舟行蹤隨
斷梗世事等浮漚後會期難訂燈殘觸遠愁

四首

十月十二日作

回首江鄉歲又闌記衝風雪出長安浮沉久悔居諸誤閱歷
方知出處難蘭夢可能親慰望椿庭獨使弟承歡草心不死

春暉遠明發何曾涕淚乾

管大

世銘

入都以詩見贈次韻奉答

新詩三復意纏綿爲我平生一卷然細數素交能幾輩那堪
小別動經年傾心每在文章外把手欣當風雪前除却追歡
餘事嬾欲從塵海覓幽偏

雪假山

一峯作勢一峯低搏掄選資衆力齊突兀豈真堅可倚玲瓏
偏覺巧難梯照來朗朗爭疑玉消去紛紛易作泥早晚春風
防見睨世人何事目仍迷

昭陽赤杏若

新春得南中書知去冬已舉一子口占二詩

家書已報洗兒辰
怡值風光麗
早春煮餅未邀來
賀客含飴
且慰就衰親
但無災難何須貴
幸有叢殘尙不貧
珍重堂前
命名意
蒼篴佳色在初筠
小字阿震家君所命也

平生事事守田株
門左居然始設弧
敢望功名齊郭震
還驚歲月過商瞿
憑人命詔三奇格
星家謂此子八字是人中三奇格
遲我身攜

五岳圖重誦清芬
驗餘慶待看成立已桑榆

夢蘇草堂歌爲馮鴻臚應榴作卽送歸養

大鴻臚卽今端明注詩願集諸家成長安雪後夜寒重思之
思之還入夢
穎濱叟與東坡翁離合都在神光中
文人自古執門戶入不得出
泰機鋒
君夢子由入門東坡立門外君延之進東坡云入卽不得出
來何翩然去何迫
啟戶視之殘月白
蘇齋忽見羅山人
急遣丹

青駐奇迹揚州羅蒼顏船髮是耶非畫圖從此長相依編勤

三絕心何苦歲月侯更六寒暑書成剛值花生辰蘇詩合注以今歲二

月十五此圖此書皆世珍名山不朽官亦達陳情又遂斑衣

身路河直下三千路懸知別有流連處施帶還從覺老遺買

田曾乞常州住到家且飽鱗魚鮮南陔暇汎南湖船平生風

節與蘇近論福邵比坡翁全李唐遺集元豐志述作一門饒

盛事尊甫孟亭侍御箋李義山詩文哲弟鷺庭同年校刻元豐九域志並行於時先生俯仰參其

間秀水眉山後先繼望雲我亦辭衰親政爲微祿羈風塵草

堂定許攜尊過也是斜川校字人

伍堯殿子法式善招飲以病未赴賦此奉答

雪泥鴻爪跡頻遷同譜分張又十年君喜登華嚴月旦我慚

用拙久林泉虛聲敢望投詩海多病偏怪厠客筵好待城南
花事盛重攜尊酒醉陶然

紅豆詞次禮世子

昭博韻

分得湘江竹上痕珊瑚一樹價難論牆陰秋海棠爭放也是
當年思婦魂

晚來掩映夕陽斜顏色初驚二月花聞說惠家庭館好

長洲惠仲

拙宅有紅豆山房

會煩詞客屢停車

珍重深閨賦大刀關心破鏡上天高若教摘向瑛盤貯合認
春鷓鴣啣後桃

南國秋來發幾枝芳名已重六朝時

相思之樹見吳都賦

問誰穿得鮫

人淚一縷柔情便作絲

四月一日伍堯賡子

法式善

招已亥同年讌集陶然亭次

韻

城南最幽處簪盍且啣盃時值送春乍人多識面纔林亭原
夙擅禽鳥各無猜呼羨登高易朋看自遠來

畧致寒暄語忘形愛率真盈尊傾綠蟻入饌削銀鱗努力干
秋業關心同譜人它時車笠異願共保松筠

庶子親風雅耽吟興獨濃詩常超意象官自任遭逢開命花
間駕愛聽雲外鐘病餘吾尚健追步謝扶筇

曾憶殘秋到重遊祇惘然

已亥九月朱竹君學士視
學院江同人公餞於此

斗山韓

吏部風月柳屯田

謂黃仲則

舊迹等遙夢餘情結暮烟多君成雅

集圖記舊年年

萬壽寺

新綠已成幃小山亦作峰苔深一卷石樹老百年松喜有好
風至惜無佳客逢能閒終是福天許遂游蹤

極樂寺

引人先竹徑入望半秧田所恃澄沏井能疏屈曲泉地紆長
者跡花結老僧緣我本耽幽寄胡爲塵網牽

題田山蘊侍郎大通橋秋汎圖爲馮編修

集梧

潞河九月秋水平霜飈難得重陽晴連檣引漕已南返此時
大可游船行游船如雲紛上下使者田郎獨風雅無多賓從
盡傳人好境更逢能手寫入雲孤塔何亭亭楓葉微赤松林
青玉簫金管屏不御中流自在看揚舲誰牽百丈雙驢代觀

者却忘使者貴即今展卷儼如仙何況登舟與同載是時海
宇猶傳烽軍儲仰給神倉供田郎才足裕孽盡民力瘁獨傷
南東仁人之言溥其利遇合旋看致卿貳茲圖陰有神護持
歸小滿君或天意珍之不啻璆與琳重乞當代名公吟阿兄
督運舊有作令兄星實前輩有路河督運圖所以到眼尤關心千金忽欲享
敝帚亟索拙詩題卷後攜歸夏簟午窓閒經月摩挲未離手
長安一別今十年光景大畧殊從前詞壇寂莫酒陣少我病
亦多閉戶眠還君之圖與君約莫負清遊及時樂高秋待我
健腰肢同汎清冷出東郭

六月八日查比部

世侯

招集翔鶴堂次劉少宗伯

躍雲韻

十斛緇塵易滿襟羨君壯歲早抽簪百城舊擁圖書富一櫛

新添花木深何處能教受爰暑此間大可抵山林欲消長日
渾無計賴有談談幾素心

誰將佳句紀清游白傳詩推第一流下若酒醇頻入口上弦
月好乍當頭久憐病骨同癯鶴近喜閒蹤等野鷗時方止飲
已拌重犯戒未妨中夜錯觥籌

題左二輔蜀江歸棹圖

有唐數能詩李杜獨稱首青蓮蜀道難膾炙滿衆口少陵語
驚人亦在蜀行後豈知千載餘彩筆落君手女兄隨良人遠
宦飄蕩久出門省所親持家賴健婦既痛風不宦因傷米虛
負一一寓諸詩讀之氣增厚巴東聽猿啼淫預如馬走歸來
漸岷沱奇險恣採取過境愁欲忘寫圖冀難朽庶幾緬舊遊

十或得八九今君官院江是亦山水歎天都黃海間佳句待
苞剖能爲第二圖豁我雙眸否

同年馬比部

履泰

愛萬壽寺白皮松寫圖索詩爲賦三絕

句

誰將勁質寫霜紈疑是侵冬雪未殘自此頓教生面改頭銜
不合署蒼官

閒雲逗處幾徘徊巧向玲瓏石罅栽最好夜窻初月上一雙
皓鶴乍飛來

曾過招提得句新風流又見繼慈仁

康熙間諸老多有慈仁寺看松詩

何當

結筒科頭偈白眼看松更看人

詩龕詩爲伍堯慶予

法式善賦

長安號人海富貴各有嗜庶子與俗殊獨以詩爲事是室卽
是龕聊供咏哦地上薄風騷初下逮元明季春華與秋實收
拾歸一致境因閒易得律以老逾細燭從深夜刻脯向除夕
祭當其出意匠冥若叅義諦萬緣不能移十笏安所寄有時
來良朋庶幾結遐契廣廈雖未營寒士已蒙庇豈無閑閤高
亦有房櫳邃徒嫌酒肉臭但覺笙歌沸或爲鑽核勞甘作牧
豬戲坐令歲月消俱昧身名計嗟余近多病索索少生氣薇
省十旬假蓬門經日閉居台彌勒分疾共維摩示宜唯謝塵
鞅兼欲斷文字多君風雅宗拈筆破陳例

題溪橋詩思圖爲伍堯庶子

青山橋白雲溪十年歸向衡門栖枉負好景無詩題今來車

馬黃塵路又惜溪橋不常遇畧約低橫水一灣羨君卜築通
幽處桃花柳花夾岸春奚囊得句何愁貧披圖恍作江南夢
詩思却隨鄉思動

秋夜讀繆上舍

紱

詩爲題三絕句

客授長安又幾時九重城隔易相思莫添遼海秋風哭消受
才名有此詩

看雲對月動

關情差喜交多文字盟想到竹初菴裏鞠故應

回首羨冰清

集中有竹初菴看
鞠詩繆切館也

展卷西窗夜漏催靈犀早許倅塵埃澄江如練君山秀都被

人收筆底來

送同年沈三舍人

鳳

官汀州司馬

皇帝重南幸五巡紀庚子同時十七人皆以奏賦起其在薇
省中一一堪絀指或爲尙書郎或掌柱下史或已悟浮休或
猶困桑梓或草檄從軍論功逾萬里未開展治才有之自君
始臨汀左近海舊俗號難理嚴則失撫綏寬恐容姦究往佐
守相治勿希上官旨但期奏循績何患不膺仕裝裝謝公樓
湜湜鄆江水應多登臨暇坐致風俗美作官無竟期不殆勉
知止能營田負郭便可門掃軌居卜湖山間樂卽神仙儼嗟
予戀雞肋故吾增馬齒一官類積薪八口苦索米況復嬰痼
疾所需多藥餌得失奚足憑蕭閒聊自喜幸賴幾素心君去
益無但吟隣如許結息壤願徐俟明年春水生莫忘達雙鯉

中秋日雨中游法源寺

到寺忽微雨雨餘逗夕曛閒人能幾輩秋色已平分碑訪靈

芝古庭延野草芳傷心舊吟侶

謂黃仲則
余少雲

雨雨早修文

中秋夜與周編修

兆基

孫比部

星衍

莊舍人

復旦

集同年

楊進士

倫

寓齋主人詩先成因次其韻

多病遂成懶怕踏長安街何以遣佳節所思在朋儕故人果
折柬爲余掃蓬階萬物本逆旅附螭而棲蝸多君借禪房素
壁光如揩得非草元亭或仿治事齋能傾數升釀勝東七尺
骸嘗新貴燭栗入饌珍市鮭酒陣各分曹壁壘嚴臨淮孫郎
善持論語襍莊與諧周郎喜顧曲行雲忽迷厓

遲歌者
不至

莊生

近雖貧作達能安排回頭憶去年初泊滄江涯歲序自荏苒
親懿愁睽乖不有此嘉會安得攄孤懷豈無朱門客雍容曳

遍縞三千論鍾乳百萬買寶釵一朝冰山頽空望荷鈎埋酒
闌逗微雨雲破天如鏡如何連夜月不向今宵佳遠哉阮生
屐莫羨李泌鞦歸來正三更好夢尋大槐人事古難全君看
補天媧

題沈石田碧山吟社圖後

并序

圖爲前明錫山秦景暘先生

旭

作景暘創碧山吟社同

時九老曰陸勉懋成高直惟清陳履天澤黃祿公祿楊
理叔理李庶舜明陳公懋行之施廉彥清潘緒芳玉林
與秦而爲十也六七十年來圖久失去歲己酉先生十
四世孫凌滄

瀛

官京師其中表楊孝廉

廷棐

從濟南市

上購得攜圖北上因以歸之癸丑九月凌滄觀察浙中

瀕行索賦爲題長句兼送之官

成化宏治盛有明海內無事歌昇平碧山主人兼齒德首聞
吟社招耆英歲時觴詠恣幽討杖履過從凡十老抱道翻因
韋布尊論文大抵邱園好黃公澗傍陸子泉數弓地占冰洞

前晉陵

王文肅公長洲

吳文定

各仰止宜乎當代欽其賢石田放筆

作長卷不使雲烟輕過眼東林之後有西園其畫其人此應
踐尊彝森列栞書陳卷中一一皆傳神豈知人去鶴亦化陂
前古木摧爲薪泉聲山色猶如故至今過者生餘慕不見當
年人撫髭空尋獨立蒼茫處社名已與山同壽社圖幬轉拋
齊右浦珠津劍暫合離神物終歸明德後主人到君十四傳
風雅相望簪纓聯君今觀察莅兩浙定游社址增流連戟幢

會荷屏藩寄宦成合作明農計碧山無恙待重興圖得所歸
識天意白雁黃花惜別深抗塵我敢負初心結隣倘遂梁溪
約他日應添二老吟

伍堯庶子

法式善

四十生子先期夢人折桂授之名曰桂

馨張檢討

問陶

夫人林

願

寫圖紀瑞檢討賦詩王孝廉

芭孫

作記其配曹

貞秀

書葉吉士

紹桂

與配陳

長生

聯

句綴其後爲書三絕句

燕山先苗一枝芳占夢懸知男子祥特爲徵蘭破陳例國香
應不及天香

風味空憐薑性殊生兒我更後商瞿不知他日蒼簣竹
震得附仙岩圭木無

兒子名阿

宣染精能波磔妍綠窻佳話一時傳山妻但解壺鹽事也羨
閩中翰墨緣

移居詩

并序

癸丑八月自青廡移居海波寺衝之古藤書屋朱竹垞
檢討舊寓也初爲大學士金之俊第龔芝麓蔣京少黃
俞邵周青士先後寓此今右隣余氏有藤指爲檢討之
古藤書屋按騰笑集序庭有藤二本檉柳一株旁帖湖
石三五可以坐客賦詩余寓舍藤止一本兩檉柳湖石
皆在其中余氏之藤距此頗遠豈余氏別一本所謂二
本者歲久僅存其一耶旣屬李君秉德作圖且乞同人
賦詩紀事

移居莫若長安易襪被一肩衣一笥移居莫若長安難三遷
乃在匪歲間初從水月菴東住旋僦數椽青厰寓忽聞八口
自南來室小又添人滿慮海波寺街地頗幽老屋其傳接勝
流欲攜家具近咫尺桑下且作斯須留此屋經營自遺老蔣
徑重開薙荒草金風亭長尤著名同輩周黃皆可考依然巧
石森參差檉柳仍漾風前綠青藤無花意自古蟠曲根柢槎
枒枝牆邊一角西山出爽氣朝來看日日論屋應推此最佳
可惜前人未曾述亭長昔居才五載仰屋著書浩如海研搜
經義輯舊聞經義考曰下舊聞皆成於此過從客並饒文采爛醉狂吟縱
盡歡查悔餘詩古藤陰下三尚嫌衰翁未達觀禁鐘已戀隔
城聽花又怕讓旁人看百餘年來幾易主是否當時舊巢宇

我羨林宗灑掃勤竹頭木屑煩區處三秋風日聊自娛別構
精舍藏圖書貧思潤屋計殊左剋期預恐租錢逋雪泥鴻爪
蹤難定徵盡徵詩還作證却憐寂莫子雲居門掩雙槐人卧
病楊六士比部近移闕題胡同於此得趣亦復佳萬事底用
先安排明年花放應高會沽酒拌令婦拔釵

同年楊侍讀按自衛藏凱旋旋有備兵川北之

命歡悰別緒交集一時得四百二十字

君昔從戎我居里病後聞之三日喜丈夫意氣重橫行封侯
廟食皆山此君今凱旋我入都驚塵未改面目腴衆中握手
欣道故喜心倒極翻欬欬嗟君早歲長貧薄餞甚直愁無米
索一朝西笑向烏斯帷幄遂容叅衛霍昆侖峩峩霄漢間豈

知高有丹達山河源浪說星宿海過此川路方漫漫有時
輪起四野積雪吹來沒人馬有時暴雨侵宵分裹甲露處同
三軍黃金雙流易雙履踵決還防艮其趾身行一萬六千里
欲望長庚反東指王于興師春及秋七戰七捷師無留多君
年少獨持重能與宿將符深謀用兼枚馬才原大詩成每索
方干和謂通副已將鉅筆勒燕然更遣餘哀歌楚些君有衛
藏紀功

碑及爲大將軍
祭陣亡將士文

紅旂曉達明光宮

天子次第思酬庸進君之階異君錫貂蟬真出堯登中歸來
溫語承丹陛許述行間辛苦事惻然會動

主尊容不獨非常顏色賜紛紛賀客爭填門邀君我亦開清
風方快申殊契左轡旋看拜

主恩閩中水接嘉陵谷從古才人宜入蜀家世清風棠蔭多

君世父監湖會庭閣樂事蘭陔足阿兄官近古鳴沙令兄在

官印州刺史伏功難得勲名萃一家定有新篇賡棣萼却慚小序附桐華

行功近刻桐華滄江卧後頭成白我已蹉跎悔何益知命爭如

館詩屬片早讀書枉尋并恐難償尺塲地霜寒木葉飛都門祖帳淚沾

衣入鵬噴噴車前導未貴誰能便悟稀

移居古藤書屋胡學士長齡用竹垞得要字韻註以再叠見

贈次韻奉答

中秋移家歲將暮根觸鄉思生愁苗有時徙倚古藤下夕陽

黯澹風蕭聊比添食指益增累時眷口索米往往耳來朝操

觚慵書出門嬾放廬夜夢雲溪橋崇州學士今大匠六籍百

氏歸耘樵彭錢弟子忝同譜列坐常愧以齒要長歌狂贈韻
再登清論如樂何超超登高而呼勢較易致身君已攀招搖
莫隨俗眼炫金玉辨色須辨真官密讀書所貴在心得如帶
之適能忘腰倘無舍利強名佛天寒難免丹霞燒

盛時鴻業竹潤色豈徒揖讓夔龍朝臣壯不如況衰病湮塞
理窟枯辭條蠅聲蚓竅偶成韻音節不中麻與料海波寺復
保安寺君所寓處過從且喜人非遙相期共作交耐久肯逐桮柳

凌冬彫

送胡上舍

翔雲南還上舍籍婺源今赴揚州

耳熟才名識面遲那堪草草又歌驪故鄉自有雲如海好洗
衣塵十丈縑

舊夢分明月有痕揚州到日且開尊此行一事輸君占看過
梅花再出門

子 戾

姪學彭校字

亦有生齋集詩卷第十二

亦有生齋集詩卷第十三

武進 趙懷玉

古今體詩

闕逢拙提格

早春 西苑卽事

御園佳氣接西山政入新年喜較閒未解凍痕風力淺預知

春意鳥聲蠻動農

法駕朝旋禁

上以祈穀
回宮

按事輶車遠出關

命大學士福康
安往吉林讞獄自

笑此官今半世強將衰病點朝班

正月十三日夜宿直廬有懷洪大

亮吉

走筆卻寄

城東曾步春月圓與君一別今四年前年我踏長安雪君已

先持金筑節七千里外心跡通寄書排月來郵筒郵筒中有
新詩句發函先覺靈光露讀之大半多懷人於我眷眷情尤
親歲崢嶸兮人寂寞風送朶雲天外落鮑叔能知管子貧勸
我忘憂且行樂感君匪爲一已私蜀文閭袞今見之能令經
術比戶曉便使士氣遐方移自憐多病思閒福萬事輸人策
高足采藥惟求駐景方積薪任改除官目試燈風緊春寒濃
東華走馬如轉蓬直廬夜靜偶根觸卻憶別君時正同題詩
草草頻呵凍那管禁鐘聲易動此時無酒不成眠月明難達
牂柯夢

和蔣太守

熊昌

見懷

病餘興嬾久停杯讀到新詩倦眼開望歲可曾逢雪未

京師無雪

聞南中雪亦甚少

開筵應及試燈纔馬蹄日月催人老雞肋功名舉

念灰何似尋春結吟伴橫舟同問水邊梅

上元日詩龔譙集予未得赴分得銀字

傳柑時節好畱賓得與斯筵有幾人久欲投羊窺秘笈

君載宋元

人文集多善本

那堪跋馬誤芳辰吟情合助春燈艷交味真參宿釀

醇家醞其美

可許同龕分半榻溪橋醉踏月如銀

同人集孫比部

星衍

寓齋分詠古物得申屠嘉小印

方寸節侯印傳來自漢初遙思采銅日恐是鑄錢餘五鹿誰
爲客三公亦待車纍纍應不少持比竟何如

題余孝廉

鵬年

曹州牡丹譜

名種曹州何日移人間富貴類如斯洛陽不見尋芳到便是

門庭冷落時

講堂餘事課園公小譜居然繼放翁絕勝長安催窖火唐花
只看試鐙風

堆盤櫻筍記開筵孤負江南四月天縱有吟情對紅藥品題
爭及孝廉船

屠刺史

紉

王明府

復

訂昏姻之好招同人集孫比部

星衍

寓齋分得交字

高齋勝侶樂投膠宴衍欣占漸二爻兒女關心中歲計風塵

握手廿年交仙餘故態當筵發各有新書付客鈔

居有瓊蟬
雜記王有

甲子大
事表

卜晝未妨兼卜夜醉看斜月下林梢

歲乙酉從故侍郎劉公

星煒

讀書澄懷園時以文字就三

於李先生

中簡

所朝夕與偕者侍郎子鴻臚

謹之

也今

三人皆歸道山春日重游感而賦此

清晨過閒園白雲滿深林危橋壓淺水碎石移高岑舊游未能再往跡猶可尋納涼待荷淨把酒當梧森老成忽山邱同輩傷人槩不聞寒蟬噪但變時鳥音荷畱隔年葉梧長去後陰念此徒踟躕卅載何駸駸

訪張真人

起隆

於光明殿因登天元閣

日斜訪舊一停驂金闕銀宮次第探舉首直疑天咫尺看山都在閣西南青詞曾費親臣撰

明世宗時此爲禁地

丹訣誰從僊侶參

且把松枝當揮塵少紅塵處共元談
寒食雨中獨過法源寺

微雨初停蕭寺車高軒乘興過誰家

訪王述載侍郎不遇

東風連日顛

狂甚未到清明已落花

清明後一日王給諫

友亮

招同人泛舟通惠河卽事

寒食初過新煙飄此時旅客多不聊太原給事善解事折柬
盡以同心招侵晨命騎出東郭潞河淺碧浮官橋中流建牖
東水勢如聽飛瀑廬山椒經年未作泛舟役忽坐天上心搖
搖沿堤縱乏桃李艷榆柳亦復爭含嬌一航恰受人四五接
席差喜因連船茶鐺酒盞兩頭置何必金管與玉簫借厨南
州調徐舍人昆出新意手析五味工煎調百壺如泉有人送痛飲
且使羈愁消所憂冬春旱太甚近畿二麥將無苗是日濃陰
釀微雨東風助打船頭潮但能沾漑遍南畝笠屐那敢辭飲

漢德州侍郎昔高會卽景曾倩丹青描

田山藍侍郎有大通橋秋泛圖和生等筆

也只今座客亦何減況有名手圖生綃

謂羅山人聘

黃門家住白

門下青溪見慣波迢迢胡爲亦愛半篙水得非久厭塵中器

歸尋使解更小憩

程侍御炎時奉命抽查五閩

足音喜我忘塗遼清談未

終暝色下僕夫已促鳴迴鑣茲游安可失紀述急剪短燭吟中宵

引亭看花示梁三孝廉

承雲

繁花已成谷綠野舊閒堂春事此閒盛東風連日忙巖泉煩
位置觴詠幾料量坐久不能去城西半夕陽

葉吉士

紹樞

寓齋小集酒後崇效寺看花

掃除斗室盍朋簪更約尋芳蘭若深卯酒易消因舊雨丁香

猶結是春陰秘書且喜紉金匱燕語還看續石林我欲從君
卜鄰住寺鐘同聽滌塵心

送王少司寇

景致仕南歸

立功與立言有一已不朽何況能兼之良由得天厚初登省
掖地論詩炙衆口再參西南軍草檄出一手明光策奇勲影
纓復紆綬豈知書生習殘篇常自守談經先後鄭博物大小
酉風流勤吐握延訪及巖薮官既五聽司身亦七旬壽人皆
榮

帝眷台鼎不難取公獨念知足超然慕廣受從茲風雅壇誰
作提倡首雲間峙橫雲望若岱與斗

迢迢路河水歸趁春融時此流是

恩波能無戀

闕私山人早調鉛

羅聘作送行圖

朝士爭歌驪豐臺有芍藥都門有

柳枝縱教盡攀折詎足申離思南風吹五兩舟行不嫌遲林

泉多老宿——想過之維古重引年幾輩曾如期到家近六

月北窗臥軒羲碧梧紅芙蕖何似京塵緇舊盟數王

光祿鳴盛錢

少詹大新句聯陸皮少日所種松應作鱗之而嗟予里居久忽

被緼鎖羈積薪濮陽歎索米厭次饑未能慰親心又悵違師

資

壬子九月舟過任城黃司馬

易

以紫雲山探碑圖乞題攜

之行笈兩易冬春矣暇日檢得率題寄還兼索武氏全

碑拓本

魯國西鄙今嘉祥炎劉遺迹多茫茫紫雲山深草樹荒傳有

太子石亭堂人欲就考或未遑君也趙洪相頡頏二李

東琪克正

一南

正炎

偕益臧履勘諦審爬搜忙碑則武斑祠武梁畫像

恢詭書精良觀者目眩走且僵佳城千年鬱景光舊本但詫

毗陵唐

荆川先生有唐拓本

一朝大力重表彰地不愛寶敢久藏芘以

廣廈綠以牆雨淋日炙庸何傷萬物顯晦豈有常苟逢其人

功煒煌寫圖索句誌弗忘攜來忽又更星霜偶然檢得從巾

箱急踐前諾題左方還因北風遠寄將命工火速搨硬黃酬

我便低璆琳瑯

日盼古藤花開開迺絕少招同人置酒其下作歌問之

古藤陰下三間屋

查悔餘句

多少名不曾經託宿我來屋已殊舊觀

補署壁窠添小築先徵圖繪次乞詩旬日頓看盈卷軸東風
漸近廿四番白汲井華勤灌溉謂花宜爲悅已容早放繁枝
媚晴旭那知寥落三兩株顧影風前若頻顚或云花要擇人
開似我居停尙非俗或云地有肥與瘠何以比隣關紛縟調
氏或云歲久根易枯歷劫不應猶弄馥給孤寺旁成戶部家
元明得非緣我貧病兼也其凡情異寒燠不然知我欲辭君
屋主歸安人時問如伯之東屏膏沐款款誰憐詞意深堂堂
入都將謀另徙敢負韶光速婦云有酒待子須手拔金釵市肴藪急羅佳客
且銜杯白日漸低還秉燭繁華到眼只須與過盛反防衰象
伏有花何似無花佳柯葉長青生意足

爲邱太守

學勛

題藤花詩畫卷

并序

藤花詩畫卷明少宰徐文敏縉物也文敏爲王文恪鑒

女夫文恪官吏部侍郎時文敏嘗從請業後三十年嘉

靖戊子文敏亦官少宰感念舊事因紀以詩一時如顧

文康鼎臣湛甘泉若水夏文愍言文待詔徵明王履約

守履吉寵兄弟咸各有作又六年屬陸叔平治補圖曾

在陳溧陽名夏家近爲太守所得示余索題因綴一絕

於後

藤花舊事感王徐我亦牽藤近卜居一樣徵詩與徵畫可能

傳到百年餘

恩賜百官扇恭紀

習習南薰禁苑飄捧來珍筵自丹霄招涼從此明珠賤塵

海三庚暑易銷

五萬蒲葵未許同奉揚一日徧羣工聚頭便有和衷義

聖意分明舒卷中

濃如點漆潔如霜

懷玉得
黑白紙各一

雅製由來出尙方
持比青

團端午賜近臣一例拜

恩光

雲漢常殷

肝食憂五明視聽仰

宸旒仁風每挾甘霖至早晚應占大澤流

題歐陽公南唐官硯記拓本爲伍堯祭酒

法式善

附錄原記

記下有永叔押輕車都尉印

此硯用之二十年矣當南唐有國時於歙州造硯務選
工之善者命以九品之服月有奉廩之給號硯務官歲
爲官造研有數其研四方而平淺者官硯也其石尤精
製作亦不類今工之侈竄此研得自今王舍人原叔原
叔家不知爲佳硯也兒子輩棄置之予初得之亦不知
爲南唐字缺二有江南人年老者見之悽然曰此故國之
物也因具道其所以然遂始寶惜之其貶夷陵也折其
一角皇祐三年辛卯龍圖閣直學士歐陽修記

卷帛撮襟金錯體風流艷說南唐李墨誇削木紙澄心一一
文房堪屈指歙州龍尾質最精良工少微首擅名設官置務
造官硯器不苦竄方而平一石流傳到趙宋棄置久爲兒輩

弄若非野老動咨嗟那得廬陵致珍重視兮廿載相周旋折
角還其夷陵遷當公毀遇鑠金口能與此石完其堅累代江
南蒙祿秩故國思還寓諸物不知修到世家時濡染可曾供
史筆皇祐之初歲在辛是年公猶未五旬作記之年公四十五與梅聖俞相約
買田買田早結耦畊約歸老願終潁水濱我齒逾公已三歲
於世方同附耽贅有田二頃反棄之塵海茫茫駕難稅侍郎
錢保得硯十襲藏祭酒拓記重裝潢詩龕盛名噪都下多士欲
比今歐陽喜君天性本好古近轉一階殊得所曾看晨人太
學中剔蘚日搗西周鼓

雨後同江舍人

蓮董

教會

康

綸鈞

兩考功遊萬壽寺

雨洗郊原絕點塵漫尋蕭寺歇雙輪每遊相隔動經歲與客

其來成四人竹穉乍拖紅鵲尾松奇都作玉龍鱗趙州且喜
容茶話一响罷藝結淨因

寺僧蓮筏向頗能詩今年政七十須眉皓然

哭家太守

本植

宦海風波後抽簪已卅年如何五世澤竟絕一經傳生產原
休問歡場亦可憐交情與嫻誼併淚灑南天

明霞館詠柏

何處柏森森明霞館宇深到天還結黛匝地總垂陰撐拄多
奇節綢繆有夙心解鞍畱一餉塵暑失煩襟

順義道中

翠葆將臨處前驅次第經城原號安樂室自慶盈盈高柳分
行碧遙山一路青未須人灑掃靈雨昨宵零

懷柔懷古

禮士曾開碣石宮那堪僥倖到圖窮空聞寒谷能吹律誰救
蕭蕭易水風

雨中發自密雲縣

京師久苦旱雲霓望之屢三日到白檀一雨忽如注未雨愁
飛塵旣雨復愒路人生得失參樂事本難具唯當入山初徑
險車回互瘦驃雖慣乘盡力亦可慮油幕下周遭閉若婦新
娶但聞輪蹄催不記道里數須臾雨聲歇旋見霽色露嫩涼
欲襲絺殘雲如捲絮新綠滋良苗夕陽挂高樹坦坦遵前途
欣欣愜所遇乃知困必亨躁者徒自誤

南天門

山形蜿蜒來至此忽一束得非近邊城預有神工築諛蕩門
長開嵒巖勢何矗大車聲隆隆欲上恒瑟縮小車上較易坐
者苦顛覆不如策騎登周覽快心目馬固遜車安車亦讓馬
連青天通一吸白雲生兩足回視車逶遲猶在山之麓

古北口

誰作京西嶂羣推古北衝人猶說畱幹

金史古北口國言曰畱幹嶺

地可

壓居庸踞險同神虎

一名虎北口

籌邊憶祖龍貫河環似帶列障

設如塘水漲須防夏風高易近冬寒暄殊氣侯中外接圻封

勝算思唐帝

唐莊宗取幽州遣劉克清克古北口

雄心笑宋宗遼金遺跡杳徐

達賊

繼光紀勲崇

昭代聲威播遐方澤化醲每勤

秋猶駕寓詰夏官戎萬里皆庭闕諸邊靖堠烽常看

六飛過寧止一車容頃者薰風扇時欣零雨逢道真成坦蕩
畝喜徧衡縱扈從今方始登臨敢厭重慚無才奏賦聊復記
游蹤

渡潮河

危橋千尺壓驚湍護塞長河襟帶寬從此好誇游跡遠行人
不止渡桑乾

度青石梁至黃土坎作

自出虎北隘日在山中行梁以青石著坎以黃土名人謂梁
險峻我言坎嶢嶢一雨更溢滑單車多覆傾茲來策疲馬卻
值開新晴不憂輿輓脫且喜蹠足輕巖餘野花馥石激流泉

聲牛羊遠近牧禾黍高低生時清靜烽燧歲美饒耘耕
王道本蕩蕩何幸爲邊氓

常山峪大風雨遇繆舍人

炳泰

招宿作歌

雷殷千山電四照天際烏雲滃然罩我行策馬過坡陀暫解
征鞍依古廟須臾風雨勢交集神意蒼茫頗難料矮檐盡捲
三重茅平地頓添幾尺潦目穿不見來後車足裹常愁失前
導已拌枯坐滅燈火那有閒情覓厨竈暗中忽聽操鄉音舍
人早遣長鬚到招我行廬且休息軒窗爽塏房櫳與剪燭居
然濁酒陳展衾更喜連牀掃今宵雅荷良友款一飯殊慚昔
賢報倦極何妨曲肱枕

是日無枕

雨闌漸覺荒雞叫世間通塞豈
有常先筮號咷後占笑

廣仁嶺

昨宿灤平界朝登廣仁嶺曲折凡幾盤始能造其頂傳聞我
朝初興桓道猶梗

詔命萬夫鑿功比五丁猛遂使數日程達之在俄頃

仁恩中外廣藩衛苞桑永乃知非常原不與凡識等翹首望
離宮飄渺雲霞影

馮比部

敬昌

以引

對來熱河因畱同寓辱投二詩依韻奉答

無意塞垣遇艱難冒雨來呼童先掃榻下馬且銜杯五嶽能
遊少三邊得句纔平生重風義不獨野王才

讀律談何易西曹慎見長春秋應折獄

堯舜正垂裳結習弄柔翰餘情夢玉堂交君逾十稔今始遂
連牀

喜管農部世銘改官侍御

詔選清曹整法冠故人今喜上臺端要覩風采從平日能重
朝廷是此官意鬱青霞時未晚威生白簡晝應寒鄉邦遺烈
猶堪遡慙媿田郎勉志完

附和作

裏行初換惠文冠差信平生始進端目論其榮爲右轉
心知難稱獨斯官從辛得氣蠶拌老到晚方華韞耐寒
珍重故人期勉在白頭介節矢終完

恩賜醵盛恭紀

盛鞢居何等弓韜矢服間免譏童日佩竟得

主恩頒質荷

甄陶重

懷玉蒙賜者

爲洋磁五采

材慚決拾爛願將臣鵠意申告遍朝

班

爲譚公子

光祐

題英雄兒女圖卽以四字爲韻

豪客愛駿馬名士懷傾城盡此一樽酒難遣爾意縈丹青聊爾爾眉宇殊英英君看古仙釋半俠半有情

穹廬支大漠歲暮多朔風論裘狐白上識劍龍光中行色壯如此客路安能窮少年況高才早晚合薦雄

人生剎那耳歲月空中馳但快眼前意遑計身後知孝侯晚折節聞道誰云遲境過卽嚼螭何獨橫陳時

我病髀肉生散花謝天女聞君悔嗔癡近亦乘慧炬佛任丹
霞燒芋從嬾殘煮請求見在心勿更下轉語

前詩失押兒字補題一律

狂來德祖亦呼兒慧業終愁作佛遲願立大千筵易滿非先
五十幸能知忘筌未必漁人得書券真同博士寄只合從君
傍禪榻茶煙消遣髩如絲

孫公園有宅多怪異孫比部

星衍

居之無恙庭前枯松且

復活作圖索題

曾見科名應瑞芝枯松今又擢新枝祥刑亦具生生意豈獨
文章能起衰

爭光解避短檠燈漫信人言鬼可憎不盡靈燄書鬱壘蒼官

別寫剡溪藤

樂陽七夕集同年鄭比部敏行寓齋卽事

瓜果高筵行館張雨餘銀漢影微茫人因七夕求新巧天爲
雙星放嫩涼戶小不妨容設茗圃寬正好試穿楊坐客多不
善飲而喜

角只嫌未蠲登山屐畱得清遊次第償時擬游會
龍山未果

蘇齋翁閣學方綱京邸所居室也今年春夏間兩與扈從

人多以蘇詩善本相質且以爲贈因復書蘇齋二字顏

興桓旅舍壁間題詩索和

人能有好物必聚翰墨之緣文字債如水流濕火就燥似磁
引鍼珀拾芥先生身自金粟來舉世才尊玉局派集藏初本
珍祕笑酒醒生朝播佳話呼吸應教冥漠通摩挲肯但叢殘

對母怪因依渤海邊更隨蹤跡灤河外蘇齋兩字既重煥旅
館一緣宜覺隘何當攜得樂城詩與公分住東西廨

翁閣學

方綱

屬程吏部

振甲

作蘇齋圖於扇頭程系以詩

閣學和韻余復次之

蘇齋行處是風月自年年便面偶成畫游心別有天老猶勤
述作閒卽證神仙勝地因人重丹青亦賴傳

立秋日雨中譚少司寇

尙忠

招集寓齋

井梧葉下塞垣秋殘暑還憑急雨收已荷嘉招客脫暑況逢
良夜許淹留一尊話舊銷紅燭七秩宣勤尙黑頭醉後不知
更漏促歸來騎馬似乘舟

附和作

昨夜輕雷報早秋，塞垣爍燠已潛收。
天低遠樹烟猶濕，雨過前村氣尚留。
揮麈正嘉風滿座，舉杯還想月當頭。
慚無美醞供吟況，渾覺虛移過剡舟。

用前韻答李孝廉

傳杰

契濶浮蹤過十秋，往時豪興已全收。
那知上壑人重聚，且喜平原飲共留。
話到存亡添雪涕，謂令兄傳燮數來情好憶從頭。
先祖侍讀君與君曾祖穆堂先生為康熙已丑同年，余與君又為乾隆庚子同年。
通門四世仍同譜，慚附神仙元禮舟。

附和作

飲同河朔又逢秋，賓主東南美盡收。
驟雨一番歌始暢，新香三日座應留。
興來豪氣生眉宇，定後真禪示指頭。

得附山公池上客何妨酩酊泛觥舟

再疊前韻

髣毛潘令感春秋驚蝶都難比魏收十載還山人久病
一宵聽雨客初留情關骨肉重拋淚事有因緣且聚頭
漲水茫茫百端集豈徒歸夢滿漁舟

錢員外

澧

復除臺職倒用管侍御

世銘

韻志喜

又臺

恩命再選羽舊鸛鸞君自襟懷澹人疑面目寒但期終執法
豈乏可彈官稍喜班心立新來得二難

程吏部

振甲

寫夜山園在月明中詩意索題

羣峰晚疑睡月出如夢醒中天一流輝萬象無遁影有山已

幽曠得水更清炯此時山中人泊然塵慮屏或行扶短策或
坐泛小艇頓使心迹超豈獨煙霞領誰歟寫丹青好尙徵夙
秉手圖索題詩得句復有請天都黃海間擬買田二頃相從
共良夜想亦君首肯

宮師大學士嵇公挽詞

昨夜星光黯上台驚心一老竟山頽

溫綸甫聽從天降

公疾乞假上命皇
八子率御醫往視

遺疏俄看出塞來

眷舊崇堦超保傅飾終異數備榮哀懸知太息盈朝野何況
片葩荷手栽

慰留恩禮友臣間咸重難容暫乞閒每謝安輿穿

紫禁忍披初服臥青山傳家位業韋平濟經國文章燕許攀

不獨在廷推峻望百年輿論恆鄉關

枚卜粉榆有幾人

文定綸

程文恭景伊

逝後繼清貧心因似水常

參佛門任張羅卻愛賓偶趁暇時還置酒得聞舊事足書紳
化成無過

今皇久公尙

先朝侍從臣

病餘曳杖彊支持漸減平生海鶴姿小別五旬成永訣瀕行

一語訝前知

五月二十三日將赴熱河辭公於政事堂公已病甚有將成長別之語

芝蘭爭羨

庭階盛貌驥空珍翰墨遺

公書晚似徐季海

未到寢門先雪涕潞河

丹旆返何時

扈從灤陽與管侍御同寓秀峯書院合并既久傾倒益至

賦詩爲贈情見乎詞

卅年投分比苔岑三月因依誼更深論世喜能明大計讀書
知不負初心關山絕塞秋聯騎風雨虛堂夜對吟此會平生
應未有人要使與到抽簪

附和作

塞山何處覓同岑之子論交卅載深官冷偏推裁

詔手文高別具濟川心起常聽鼓角書宣暇輒拈毫對榻吟
共傍五雲爭僦宅幾人得似

恭和

御製至避暑山莊作再疊壬子韻元韻

甘霖沛後物昭蘇羅漢山仍看禮

曼殊人物蔚興因立學山川拱衛自成都雨風好協箕疇庶
游豫歌徵夏諺吾載詠幽詩誦無逸丹青合遣後先圖

恭和

御製舊京王大臣報得透雨詩以誌慰元韻

昨宵

輦下衆騰歡封事朝聞報雨寬聲好滴隨更漏永勢綿吹過
曉風闌人占歲事舊畬利

帝軫民依稼穡難自是至誠邀

吳貺德同幬覆本丕單

恭和

御製卽事元韻

季夏足時雨新秋旋放晴農歡遠近洽壤沃高低耕豈知一
隅疹上廬

聖慮縈畿南與齊北偶報偏災成洪流始固闕下游遞注傾
特發千萬帑先使金粟盈直將正賦蠲詎止催科停蠲臣膺
重寄借箸籌孤卿下逮百職事率屬殫精誠稍慰

旰宵念在各奏爾能

批答切交儆昭假期無贏晉秩或敘復責實仍循名只今秋
氣爽何啻春蠶登民還廬宇舊工効麗榮增三復卽事篇謙
冲仰

皇情

恭和

御製碧靜堂題畫元韻

路入煙霞蔽天開碧靜堂林深時隱鹿石峰欲成羊有徑皆
幽曲諸峯競鬱蒼

宸襟獎圖畫盡日小年長

恭和

御製臨芳墅得句元韻

衆芳環別墅長奉

翠華臨性潔微儒愛香清見佛心地寬供遠眺

幾暇愜微吟何處秋生早沿磯取次尋

樂陽雜詠

并序

夏仲出塞秋末還京猥云雞栖獲扈豹尾輪蹄所經旣

足廣其聞見絲綸多暇遂或形諸詠歌自慚小言之詹
適符大衍之數

武列河今喚熱河鮑邱濡水本殊科自從辨考經

宸斷卿注千年賴訂譌

二千里外發源長四水名同各一方

涿郡河間易州各有濡水又蔚梧亦有濡出永

豐誤認金蓮迷獨石炭山更莫據歐陽

歐陽源出獨石口外歐陽修云出炭山東

北元史河渠志謂出金蓮川中皆誤

九達康莊

華路通五雲高處指

宮參差別有開金碧官廨神祠一望中

周廬以外列岡巒不禁行人指點看畢竟此間原佛地山莊

門正對僧冠

孤峯雲舉插層霄疑自飛來瀚海遙過客幾人知石挺磬鍾爭仰

御題標

出關處處淨纖埃甘澍頻隨

翠輦來手殪封狼前騎載羽林真是伏飛才

駕至山莊日御前親軍鎗斃

一狼

跌蕩門開華蓋張

至尊觀射位中央中多親拜非常

賜孔翠冠翎短後黃

掛讓曾聞君子爭書生執藝媿無成何堪一例邀

恩資束帶新添佩鞬盛

恩賜扈從諸臣扳指

衛藏初平象教恢

詔營新寺特崔魏六街街卒紛填道

天子明朝禮佛來

積雨連陰黯不分林梢難得漏餘曛前山忽見星星火知是
燒羊要散雲

嵐氣濃蒸山澗阿阿香車每疾驅過此時誰向山頭立無怪
人間失箸多

火繖當空想踏冰地爰不負熱河稱

德音昨爲輕刑降便覺朝來薄爽凝

鷄竿高建晃朝暎盡遣流人返玉門不獨夜臺思結草旁觀

也代感

君恩

王宣望雅爾哈善子孫久在戍所
有旨宥之凡在此類皆得援赦

極目黃雲隴首鋪尙勤

觀稼問含哺好將鄱屋熙熙象重寫幽風入畫圖

幾暇常遊翰墨林詩成次第許廣吟詞臣只有文章報第一

單先効矢音

招搖西指火初流俗諺曾邀

清問周要卜黃金徧南畝但聽隔夜雨騎秋

騎秋一夜雨徧地是黃金農諺

也上嘗以此賦王大臣

雨後斜陽愛晚晴

宮中法曲記分明憑吹不用多絃管月殿雲開只一聲

御前供奉

十番有月殿雲開曲
每雨後奏之輒晴

咫尺津門集海航
嗟臣包匭進飛穰
荒齋亦有驕人處
清供

先分絕妙香
雖使貢佛手柑惟貴臣及機庭諸人各有分致韞山得二枚以一見贈

清秋燕子歸期近
猶自低徊戀講堂
我亦浮蹤迷去住
欲從

輓語共商量

故園最重中元節
薦食家家茄餅蒸
莫訝殊方風景換
滿河

依舊放紅燈

雁鳴中澤抑何哀
軫卹痼瘵

詔屢裁稍喜輶車經過地
便宜曾請發倉來
衛河水溢侍郎松筠道過衛輝

賑災甚力

是處蛟龍嘯濁波
直隸山西山東河南湖南俱報水災
安瀾奏績獨南河
藏香

一束歸神貺也賴宣房著力多

木蘭草肅馬初肥大獮年年例合圍有

詔昨傳停進哨

賜金先遣遠兵歸

盛京黑龍江吉林爲東三省每歲進哨則其兵皆備扈從

碧沼波澄霽色閒靜看魚藻自滌洄神鎗壹發

天顏喜親向原頭射鹿回

沙平如毯石如基西北門邊來往宜我爲聽泉頻下馬秋林

深處立多時

榜題師子塋

仁皇環拱千巖秀鬱蒼忽有香風清到鼻晚荷七月滿陂塘

縹緲樓臺霄漢間

御園萬樹迴難攀日長那管霜蹄倦行盡宮牆看盡山

誰言河廣卻無停終日驚湍駭客聽爭似江湖秋泛好平波
萬頃任揚舲

銘功準噶爾初平制仿三摩耶磨成不獨

皇威昭遠馭國殤也仗佛光明

憶曾禮佛聖湖濱鑿石爭誇丈六身未抵普門千手眼銅容

別鑄幾由旬

永寧寺普門大土銅像高約七丈餘人稱大佛寺

寂寂禪堂畫下簾應真五百相莊嚴南屏彷彿曾相識一一

重教合十瞻

殊相精藍屈曲通是誰疊石肖天工何當結夏常來住消受
虛亭面面風

須彌福壽冠諸天法派西來第幾傳

寺有番藏十
三代佛圖像

布地黃金

功德大爲他駐錫有班禪

稽首慈航願指迷海螺聲裏暮雲低九層傑閣登臨處無數

青山到眼齊

繞場曲踊態婆娑布札遺風近古儼手執髑髏攜面具祛邪

應勝舞天魔

七月晦爲地藏生日喇嘛咸集永寧寺爲
布札之戲俗名跳鬼布札華言去祟也

西風塞外易生寒棖觸離心感百端迢遞南雲秋望遠春明

已作故鄉看

綸閣傳抄未敢遲星郵預剋報來期家書盼到平安字巧婦

還愁無米炊

每三日間報達
行在
庭從家人多附寄家書

雨後蟾光夜夜新清歌隔院趁良辰便如身在揚州住何必

吹簫定玉人

數行疎柳映溪流大石橋西曲巷幽除卻霍家奴一輩幾人
河套費纏頭

泥金髹漆任塗施杞柳都供栝櫟資何似通衢閒列肆車茵
爭購馬駒皮

居人以山木製器極工凡日用之物皆備又產芝鼠可以緝裘馬駒皮可爲茵褥

學校初開地効靈人才遽出子衿青尙方特製新彝鼎歲遣

元臣祀上丁

每歲仲秋丁祭上駐蹕熱河必遣大學士一人行禮文廟

廓爾喀今版

聖化貢來馴象與名駒房屋歷歷堦光燦未抵

親題瑞應圖

廓爾喀貢象馬上有御製詩命畫館繪圖捐墨

十日鈞天奏樂聲春秋鼎峙

錫嘉名

清音閣奏劇自七月廿四日始十日而畢劇名鼎峙春秋卽三國志演義也

笑他作史陳

承祚尙有描摹未盡情

中和仙樂聽雍喈仗下千官肅禮偕欲識

聖人無量壽敬誠澹泊裕天懷

聖節御澹泊敬誠殿受賀

魚龍曼衍戲翻新式燕無遺遠近臣

三品以上大臣及四十八家蒙古王並得與宴

更遣清音和韶濩飛泉萬斛瀉如銀

奏劇中有羅漢渡海大魚噴水高至數丈

修德修刑已並隆還將寅畏答

元穹

恩綸預向今秋降

聖節纔過月正中

上以明年元日日食元夕月食於中秋下詔罷舉六十年慶典免天下漕糧停止秋審

到勾

團團人羨中秋月偏我多從客裏看今歲客中兼聽雨轉因
兒女憶長安

秀峯講舍屋三間退直歸來晝掩關絕勝東華塵撲面分陰
難覓讀書閒

離離庭院綴秋花記息行蹤節序賒畱得一詩粘壁上任他
撥靚與籠紗

往返征鞍恰九旬及瓜舊例近更新舊例厓從有前後班今年皆改長圍五陵
裘馬原無恙金盡誰知季子貧

喀喇河屯遇雨

喀喇河邊路歸程第一宵雷聲殷地動雨勢接天遙瘦馬嘶
風立勞薪帶濕燒穹廬如斗大常恐室漂搖

夜宿常山峪

策馬空山月滿天
秋蟲唧唧露涓涓
三更來向溪頭宿
愛聽泉聲出枕邊

自常山峪冒雨至青石梁作

朝雨忽不止人言踰嶺艱
敢辭勤跋馬且復飽看山
衆壑流爭響孤雲出自閒
莫嫌秋冷淡一路野花斑

入古北口

一片關山勢建瓴
九旬于役此重經
塞垣氣候如今換
秋到深時柳尚青

謝任軍門

承恩

借馬

將軍不獨雅歌稱
高誼今逢馬借乘
牽到試看行蹀躞
秣餘

敢使骨峻嶒隨人聽鼓應官便助我登山臨水能來往塞垣
三月久遣歸情緒覺難勝

送褚學士

廷章南還

卅年敷歷總清班文酒曾容後進攀桃李門推公最盛鞠松
徑喜客初還情因戀

闕頻回首別正逢秋各愴顏此去著書寬歲月好將不朽壽
名山

題劍閣圖送張判官

道涯入蜀

能書舊說楊風子詩畫張風子又傳作吏故應西蜀去謫居
也當小遊仙

暢好吟情絕妙圖劍門中斷棧縈紆不知細雨騎驢日還羨

腰纏跨鶴無

君嘗爲揚州鹽官

匹馬新從上塞回
驪歌遽向酒邊催
衣塵十斛煩君洗
翦取

沱江速寄來

君許畫山水小幀

九日獨遊陶然亭

車馬已紛散
蒼然暮色陰
敢因亭寂寞
遂廢客登臨
野水爲
瀾瀾
寒蘆作雪深
七分秋色盡
及此一追尋

題李舍人

鼎元

登岱圖

五嶽推岱宗
登者孰先後
其間交臂失
十蓋有八九
我游歲
在寅
君在辰
與丑或逢秋之初
或值春之首
塵緣我畱暫
靈跡君栖久
各使駐丹青
不教此行負我圖
倩方壺畧按邱水
某君圖出公望
但覺煙雲走我圖
無人題十年幾覆瓿
君圖

索余詩千金而享帚自嗟麋鹿性分合老南畝胡爲拋尊鱸
枉計逐升斗頗怪謫仙人抱才亦未偶不作鰲禁翔來尋雞
樹守同游復同官話舊忻執手且消北地寒其倒燕市酒會
當了昏嫁相約向嚴鼓晨看海日升暮聽松濤吼恐君戀簪
組此志能堅否

甲寅十一月自海波寺街移寓鍊廠用竹垞自古藤書屋
移寓槐市斜街四首韻

無多家具歷雙輪料理縑緗到水薪莫戀藤花添悵望寒雅
古木也宜人

宅有高樹數本

閉門隨意著巾屨坐擁陳編蕭字齋絕似三家村裏住寺鐘

隱隱出前街

巷內居人只三家前爲大隱禪林

亦有生齋集詩卷第十三
富貴何心問
嬾殘治生學
道愆艱難
兩年浪跡
三移宅
只作賓鴻社燕看

迂道頻煩客
駐驂圍燈來
共一清談
人間儘有
侯鯖味未抵
經霜菜把甘

病中對雪

積雪迷昏曉
時勞病眼看
我貪三日臥
人畏十分寒
藥餌添新債
朋簪減舊歡
還因占歲稔
強勉一加餐

子服

校字

姪學彭

亦有生齋集詩卷第十三